



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. V. Utrum cessante fine legis negative cesset lex obligare?

**urn:nbn:de:hbz:466:1-40673**

luntarium, & a culpa immunem? In secundo, Utrum ignorantia invincibilis concomitans excusat a culpa relate ad malitiam objecti ignoratam? Et an actus internus conditionatus pravus, qui huic ignorantia saepe annexitur, trahat penas in lege impositas? In tertio fit satis pluribus quæstis; præsertim num irregularitatem, excommunicationem, & onus restitutionis incurrit, qui volens occidere Titium Clericum inimicum, occidit Cajum etiam Clericum amicum? Num teneatur ad restitutionem, qui volens comburere agrum Titii, comburit agrum Caji? Num ignorantia reservationis excusat a casuum reservatione? In quarto, An ignorantia invincibilis folius penæ excusat delinquentem ab ea incurrenda? In quinto, quandam ignorantia dicenda sit invincibilis, etiam si proveniat ab ignorantis culpa; itaut excusat a pena legis transgressoribus imposta? In sexto, Num possit dari ignorantia invincibilis Dei, & Juris naturalis? Et quomodo enutriti in sylvis salvari possint? In septimo, Num ignorantia vincibilis culpam extenuet; & quomodo? Demum, Utrum peccata ex ignorantia vincibili commissa sint ejusdem speciei cum peccatis scienter commissis.

## ARTICULUS V.

Utrum cessante fine legis negative cesset lex obligare?

- I. Si solum cesset finis legis inadæquatus, lex non cessat obligare.
- II. Si finis legis adæquatus cesset pro tota communitate, lex cessat simpliciter obligare; non secus ac votum cessat cessante eius fine adæquato.
- III. Num cessante fine legis adæquato relate ad personam particularem

cesset lex; Eo modo, quo cessante fine legis adæquato relate ad totam communitatem pro aliquo tempore, cessat pro eo tempore lex obligare?

IV. Cessante fine legis contrarie, procul dubio cessat lex.

V. Quid si finis legis cesset solum negative? Num ea cesset, sicut cessat lex correctionis fraternæ?

VI. Probabilius ea non cessat; eo quod non cesset periculum damnorum, qua lex vitare intendit.

VII. Rationibus in contrarium fit satis, præsertim paritati de fraterna correctione.

VIII. Hisce responsionibus occurruunt Adversarii.

IX. Conantur pariter satisfacere rationibus pro communiori, ac veriori sententia adductis.

I. C eleberrima quæstio inter Theologos morales est, An cessante fine legis cesset lex? Supponimus autem primo, finem legis, seu causam finalem, propter quam Legislator tulit legem, aliam esse adæquatam; ut si præcise ad scandalum vietandum prohibeatur delatio armorum; Aliam esse inadæquatam; ut si præcipiatur jejunium, tum ob maccrandam carnem, tum ut Christum Dominum imitemur, tum propter ejus intrinsecam honestatem, & ut mereamur; singula enim ex his motivis sunt inadæquata, & constant motu adæquatum. Certum autem est, quod si cesset finis legis tantum inadæquatus, non cesset legis obligatio.

II. Supponimus secundo, finem legis adæquatum posse cessare pro tota communitate, & posse cessare solum respectu casus particularis: Si cesset pro tota communitate, certum etiam est, ut docent communiter Doctores contra Sotum, quod cesset simpliciter legis obligatio; Et ratio est,

Q 2 tum

tum quia cessante causa, cessat effectus, ex Cap. *Cum Cessante, de Appellat.*; tum quia lex non obligat ultra voluntatem Legislatoris; Legislator autem non presumitur velle, quod lex obliget celsante in totum causam finali legis: Tum demum quia in generali concessione non veniunt quae quis in specie non esset verosimiliter dispositurus; Legislator autem cessante causa finali adaequata respectu totius communitatis, verosimiliter non esset id dispositurus; ergo pro tali casu lex non obligat: Sicut obligatio voti cessat, celsante ejus causam finali adaequata; v. g. si vovisti non ingredi aliquam domum ob periculum, cui te exponeres ratione puellæ ibi commorantis, mortua ea puella, poteris ingredi talem domum.

III. Quare solum remanet inquirendum, An si ccesset adaequatus finis legis tantum respectu personæ particularis, ccesset pro illa legis obligatio? Verbi gratia, si prohibetur delatio armorum præcise ad scandalum, & rixas vitandas, & respectu Titii nullum sit periculum scandali, aut rixarum, an Titius peccet arma deferendo? Sicut enim si ccesset finis adaequatus pro uno tempore, non pro alio relate ad totam communitatem, licet lex non ccesset simpliciter, cessat tamen pro eo tempore, quo est inutilis communitati; ita videtur proportionaliter dicendum in casu.

IV. Supponimus tertio, duplice posse finem legis cessare; Primo negative, quando scilicet ratio legis non militat, sed servare legem non est malum; ut si prohibetur commercium cum Saracenis ob periculum perversioris, & tu certe scias tibi nullum adesse periculum; quia tamen sine peccato potes abstinere a tali commercio, dicitur finis legis cessare negative: Contra vero dicitur cessa-re contrarie, quando observantia le-

gis in tali circumstantia esset peccaminosa, vel faltem intolerabilis, & multum incommoda, unde ratione Epicejæ censeatur talis casus exceptus, ut dicemus articulo sequenti, quia Legislator vel non potuit, vel noluit talem casum comprehendere in lege verbali: Verbi gratia, si tempore belli prohibeatur, ne portæ aperiantur, & interim multi milites petant, ut admittantur, ne interficiantur ab hostibus, quos fugiunt, certe hic casus non censetur in lege verbali comprehensus; unde ratione Epicejæ, seu æquitatis, (qua ex D. Th. sonat emendationem legis) possunt portæ aperi-ri ad istos milites admittendos. Sic etiam lex restitutionis non obligat ad reddendum gladium Domino furioso, quando est periculum, quod inferat sibi, vel proximo damnum, eo quod ccesset finis legis contrarie.

V. Questio itaque nunc procedit, An, si solum negative ccesset finis legis adaequatus in casu particulari, ccesset obligatio legis? In sequenti deinde articulo inquiremus de cessatione finis Legis contrarie.

Affirmant aliqui cum Panorm., Gran., Comit., Navar., Megal., Cajet., Henr., Ledesm., Sà, Sylvest., & aliis apud Dian. part. I. tract. 10. resol. 28., & Pal. disp. I. punct. I. Ratio istorum est, quia sicut celsante fine legis respectu communitatis simpliciter, aut pro aliquo tempore, cessat legis obligatio; ita si ccesset pro aliquo casu particulari; nam ratio legis est anima legis; unde sicut corpus sine anima non potest aliud moveare, ita lex sine ratione legis non potest subditum obligare. Probatur idipsum a pari; tum quia lex correctionis fraternæ juxta omnes non obligat, quando non est ulla spes emendationis; nam cessat finis adaequatus talis legis, qui est emendatio fratriss; Tum etiam quia, quando lex ali-

aliqua verbalis ita viger pro potiori parte Regni, ut pro notabili parte ejusdem Regni non vigeat, (verbigratia si pro una Provincia, aut Dioecesi sit inutilis, aut contraria consuetudine abrogata) certe relate ad talem Provinciam, vel Dioecesim dumtaxat deficit obligatio legis; ergo etiam in casu nostro; Nam si lex aliqua, verbigratia, prohibeat Religiosis, ne se ad fenestras ostendant, videtur non peccare, qui media nocte in tenebris densissimis, ac pluvio tempore ad fenestras accedit, quando nec videare, nec videri potest; non quia talis casus per Episkejam videatur exceptus, cum non cesset finis legis contrarie; sed quia cessat finis legis negative. His argumentis probabiliter suaderi potest hæc opinio.

VI. Communius tamen oppositum docent cum Suar., Valsq., Sanch., Molin., Laym., Kon., Pal., Bonac., Merol., Rebel., Becan., Reginald., Sal., Sot., Salon., Medin., & aliis apud eundem Dian. Ratio est, tum quia lex non respicit casus particulares, sed ea, quæ communiter contingunt, ex leg. *Ea quæ raro, ff. de Regulis juris;* Verbi gratia, non prohibetur delatio armorum ad has, vel illas rixas vitandas, sed ad vitandas rixas, quæ communiter possunt accidere; atqui licet hic, & nunc non sublit periculum rixæ, adhuc communiter contingere possunt rixæ; ergo adhuc ratio legis, & consequenter lex subsistit, & obligat.

Confirmatur, quia aliter innumera sequerentur absurdia; Posset enim, verbigratia, matrimonium licite contrahi, non præmissis denunciationibus, quando sponsi certo scirent nullum subesse impedimentum; Possent legi libri Hæreticorum a viro docto, & sancto, qui legendo illos non incidit in periculum imbibendi hæresim; Posset ingredi Monasteria Monialium vir pro-

bus, qui in spiritualibus exercitiis Moniales instrueret fine ullo periculo; nam finis legis vetantis ingressum est, ne Moniales a spiritualium rerum cogitatione avocentur, & ut scandalum, & pericula removeantur, ut habetur in Bulla Gregor. XIII. Similiter si prohibeat Scholaribus serico uti, ne exhaustantur opes paternæ, qui certo scit opes paternas non idcirco minui, posset serico uti sine licentia; quod sane scandalosum esset, quamvis ab aliis sciatur, finem legis pro eo cessare. Præterea liceret etiam fornicatio, quando cessaret finis legis illam prohibentis, videlicet si nullum sit periculum malæ educationis prolis.

Probatur demum a priori hæc sententia, quia nunquam cessare potest finis adæquatus legis in casu particulari; Legislator enim vult, legem servari, etiam quando cessat finis adæquatus immediatus, ob finem universaliorum, & mediatur, qui est, ut partes conformentur toti, quando sine incommode, & peccato servari potest lex; hic enim finis est honestissimus, idque expedit bono publico, ne leges passim violentur.

VII. Hinc respondet rationibus contrariæ sententiae: Nam quando cessat finis legis in totum, aut pro aliquo tempore, aut simpliciter, ideo cessat tunc obligatio legis, quia non remanet ille alius finis universalior, quod partes conformentur toti, quod bono publico expedit, & bono privato non nocet: Contra vero hic finis remanet in casu nostro; & ideo in casu nostro remanet anima legis, quæ obligat subditos, videlicet ratio, seu finis legis universalior, & mediatus. Adde, quod quando cessat finis legis pro tota Communitate, cessat non negative, sed contrarie; non quia sit peccatum id, quod præcipitur, sed quatenus injuste præcipitur: Verbi

gra-

gratia, si imponatur tributum, vel jejunium præcise ob aliquam necessitatem, puta ad reparandam inundationem fluminis, si statim cesset ea necessitas, cessat obligatio, quia iusta esset lex ista, quæ imponit tributum ob necessitatem non existentem; Et jejunium licet possit a Legislatore intendi propter ejus honestatem, at cum præcipie ob necessitatem urgentem imponatur, cessante tali necessitate est inutile ad talem finem, & consequenter iuste præcipiteretur in ordine ad talem finem; & per accidens est ad rationem legis, quod jejunium sit utile ad alios fines non intentos a lege.

Ad primam paritatem correctionis fraternæ respondet Covar. dicendo, legem naturalem correctionis fraternæ esse latam in bonum privatum singulorum; unde si alicui non est utilis, quia non est spes emenda, relate ad illum non obligat: Contra leges humanæ feruntur in bonum Communitatis, itaut obligant, etiam si alicui privato sint noxiæ, ut leges tributorum, & leges taxantes taxam pretii: ergo quamvis relate ad aliquem particularem cesseret finis legis, quia non cesseret relate ad bonum Communitatis, adhuc obligat in eo casu particulari. Immo hinc pro hac sententia bene arguitur a pari dicendo: Non minus lex debet esse utilis, quam debet esse ex fine honesto, qui fit anima legis; sed quamvis lex alicui particulari fit noxia, adhuc illum obligat, si lex sit utilis Communitati; ergo quamvis relate ad aliquam particularem personam cesseret finis legis, adhuc illam obligat, si non cesseret finis legis relate ad totam Communitatem.

Respondet secundo Merol. cap. 17., legem correctionis fraternæ esse positivam, quæ non obligat semper, & ad semper, sed pro determinatis cir-

cumstantiis, quando scilicet est proximo proficia: Sicut lex eleemosynæ obligat ad dandum pauperi extreme indigenti eleemosynam illi proficiam; aliter non obligat; E contra lex, seu præceptum negativum obligat etiam in circumstantiis, in quibus servari potest sine peccato, nisi aliud suadeat Epiceja.

Ad secundam paritatem respondeatur, quod sicut lex aliquando est divisibilis ratione materiæ; ita ut si duo præcipiat, & alterum evadat inutile Communitati, alterum remaneat utile, tunc solum obliget secundum id, quod est Communitati utile; ita obligat divisibiliter relate ad Communitatulas; unde si uni Provinciae lex sit utilis, non alteri, illam dumtaxat obligat: Contra vero, non obligat divisibiliter relate ad personas particulares, quia essentialiter lex respicere debet Communitatem.

VIII. Hæc diximus ad stabiliendam communem sententiam, quod cessante negative fine legis in particulari non cestet lex. Qui tamen oppositam sententiam tuentur, dicunt ad paritatem correctionis fraternæ, non dari manifestam disparitatem neque a Covar., neque a Merol.; quia lex correctionis fraternæ etiam est in bonum Communitatis, & obligat, quamvis sit onerosa, & sit damnofa corrigenti, si sit spes emenda; Unde si non obligat cessante spe emenda, ideo est, quia cessante fine legis in particulari cestet lex. Præterea sicut quia lex positiva correctionis fraternæ tantum obligat in circumstantiis, in quibus non cestat finis correctionis; ita aliae leges positivæ non obligant, nisi in circumstantiis, in quibus non cestat finis talium legum; nec est ratio, cur non idem dicatur de lege negativa.

Ad rationem a priori respondent, legem, & Legislatorem non habere finem illum universaliorem, & extrinsecum,

fecum, quod pars conformetur toti, quando cessat finis immediatus legis in casu particulari; Nam hoc non est utile, sed damnosum communitati, eo quod singulos obliget, & aggravet in casu, quo cesset finis legis absque ulla utilitate; cum non obtineatur in eo casu finis directus a lege intentus, ratione cuius lex subsistit; Hinc dicunt, cessante fine directo, & immediato legis, cessare animam legis, & sic legem non obligare; quia si praeceps obligearet, ut pars conformetur toti, eo ipso obligaret singulos sine ulla utilitate, aut bono communitatis; non enim est bonum Communitatis; quod pars conformetur toti, quando in parte cessat ratio, cur toti conformetur, & nullum adest scandalum; Alter etiam praeceptum correctionis fraternæ deberet obligare semper, ut pars toti conformetur.

IX. Ad primam rationem respondent, verum quidem esse, quod finis legis prohibens arma sit vitatio rixarum, quæ communiter contingunt; at si hic, & nunc cesset periculum rixarum, cesset relate ad hunc casum ratio legis; sicut finis correctionis fraternæ est emendatio delictorum, quæ communiter contingunt, seu ut viteretur persistentia in delictis, quæ persistentia communiter contingunt præcisa correctione fraterna; & tamen si hic, & nunc aut non sit delictum, aut non sit spes emenda, seu spes, quod frater non persistat in delicto, cesset relate ad hunc omnino finis legis, & ideo lex non obligat: Et idem dicas de præcepto eleemosynæ.

Ad absurdâ, quæ adducuntur, respondent intrepide, quod in iis casibus, in quibus cessat adæquatus finis, & cessat scandalum, cesset etiam legis obligatio. Sed negant, in omnibus iis casibus vel adæquatum finem legis, vel scandalum cessare. Quomodo enim cessaret scandalum, si vir

probus sine licentia ingredieretur Monasteria Monialium, præcise quia cessat finis ille intentus a Legislatore? Fornicatio cessante illo fine malæ educationis prolis est illicita, cum non cesset alius finis prohibitionis; Etenim natura sua fornicatio est intrinsece mala, quia aliter quilibet neglecto contractu matrimoniali facile fornicationi incumberet contra finem naturæ rationalis ad cœlestia capessenda creatæ. Demum finis prohibendi lectio nem librorum hæreticorum non est solum ad vitandum periculum subversionis, seu ad securitatem legentium; sed etiam solet esse (quamvis non semper, ut advertit Caramuel contra Dia-nam) ad punitionem Auctoris; Quod ex eo constat, quia incurrit excommunicationem, qui legit librum Hæretici ex professo de Religione tractantem, quamvis nullum errorem contineat, ut habetur in Regulis Indicis; Tertius finis solet esse, præter securitatem legentium, etiam securitas aliorum, in quorum manus liber potest pervenire. Unde Nazianzenus dixit, Hæreticorum libros tanquam aspidum ova esse perdendos, ad securitatem scilicet totius Reipublicæ. Quartus finis esse potest, ne aliquis se decipiat, dum invincibiliter putat se securum, cum revera non sit securus. Quare dicendum cum sententia communiori contra nonnullos paucos, nulli quamvis docto, & sancto licere lectio nem librorum prohibitorum, quia non cessat finis adæquatus legis respectu talis lectoris: Immo etiam nuda istorum librorum retentio est peccaminosa, ut constat ex thesi 45. ab Alex. VII. proscripta, quæ habet: Libri prohibiti, donec expurgentur, pos sunt retineri usquedum adhibita diligencia corrigantur. Et idem dicas de similibus legibus; Negatur tamen, quod si finis adæquatus legis cessaret respectu personæ particularis, scandalosum esset

esset legem non servare , si omnibus idipsum constaret , quod ideo lex non servatur , quia cessat pro tali persona finis legis adæquatus ; Quomodo enim potest scandalum parere , sequi opinionem probabilem ? Posset tamen Legislator sequens opinionem contrariam probabiliorem , transgressorem hunc suæ legis punire .

## ARTICULUS VI.

De Cessatione finis legis contrarie ; ubi de Episkeja .

- I. Quid sit Episkeja , & quomodo ea utendum , quando finis legis cessat contrarie ?
- II. Episkeja habet etiam locum , quando aetns præceptus est arduus , quamvis non cessat contrarie finis legis .
- III. Finis legis cessat negative , quando in casu particulari cessat ratio Legis , qua tamen sine incommmodo servari potest ; at cessat contrarie , si sine gravi incommodo servari non posset .
- IV. Ad usum Episkeja satis est probabilitas excusationis , esto non detur evidentia ; Dubium tamen de excusatione non est satis ad talen sum .
- V. Locum habet Episkeja non solum quando probabile est , quod non potuerit in tali casu Legislator obligare , sed etiam quando probabile est , quod noluerit .
- VI. Quid si lex sit ardua , ac dubitetur , num voluerit pro tali casu obligare Superior , qui consuli non possit ? Num ea dicenda sit lex dubia , qua non obliget ?

I. Duximus , Episkejam , seu æquitatem idem sonare , ex Aristot. 1. Ethic. 10. , ac legis emendationem , seu benignam legis interpretationem ; Cum enim lex respiciat ca-

sus communiter contingentes , relate ad quos est justa , & possit accidere casus , relate ad quem lex ratione circumstantiarum sit iniqua ; ( unde finis legis cesset contrarie , puta si reddendus sit gladius Domino furioso , qui eo abusurus sit in sui , vel aliorum perniciem ) idcirco in tali casu Episkeja emendat legem universalem restitutio- nis , & dictat , gladium non esse re- stituendum ; quia noluit , & saepe non potuit pro tali casu Legislator obliga- re ad restituendum alienum .

II. Quæritur nunc primo , Utrum tunc solum habeat locum Episkeja , quando lex in aliquo casu particula- ri ita deficit , ut illam servare sit pec- catum , ( ut in casu adducto , si red- datur gladius Domino furioso ) an pos- sit etiam habere locum in alio casu , in quo illam servare non esset malum ; Verbi gratia si præcipiatur jejunium , & non possit aliquis sine gravi incom- modo , possit tamen sine peccato je- junare .

Respondeo , Cajet. putare , quod Episkeja habeat locum dumtaxat , quando servare legem est peccatum , seu quando finis legis cessat contrarie : Cum enim Episkeja idem sit , ac legis emendatio , quatenus in casu particula- ri peccat lex præcipiens in univer- sali , quia hic , & nunc præciperet ma- lum , unde lex esset corrigenda ; ideo tunc Episkeja habet locum , quando servare legem est malum , seu peccatum . Sed communis sententia cum Suar. lib. 6. cap. 7. docet , saepe etiam ex- cusari hominem a legis generalis obser- vatione ratione Episkeja , etiamsi actus præceptus non sit malus , dummodo sit adeo gravis , ut rationabili- ter putetur noluisse Legislator , etiamsi potuisset , lege illa universalis hunc casum comprehendere ; ut dictum est de præcepto jejunii , quod non obligat in casu gravis incommodi , quamvis ali- quando posset homo etiam cum gravi incom-